



Scoula Valsot: uorden disciplinar

Relaschè dal cussagl da scoula ils 09 december 2014 as basond sün la ledscha da scoula chantunala dal chantun Grischun dals 21 marz 2012, artichel 55.

I. Disposiziuns generalas

Intent e mera	<p><u>Art. 1</u></p> <p>¹Il uorden da disciplina serva insembel cul uorden da scoula ad obtgnair la mera da la scoula tenor la legislaziun chantunala ed a garantir üna gestiun da scoula reglada e cun üna mera clera.</p> <p>²El regla la cumpetenzza da las autoritats da scoula e da las personas d'instrucziun sco eir la procedura in cas da cuntravenziuns da scolars a la disciplina in scoula.</p>
Validità / terms	<p><u>Art. 2</u></p> <p>¹Il uorden disciplinar es valabel per tuot ils scolars chi frequaintan las scoulas publicas da la scoula Valsot, scoulina, s-chalin primar e s-chalin ot.</p> <p>²Sco temp d'instrucziun vala il temp da scoula e las posas tanter las lecziuns.</p> <p>³Sco temp da scoula vala il temp d'instrucziun e'l temp dal viadi directamaing da e fin a chasa.</p>

II. Reglas da cuntegn e deport

Disciplina da scoula	<p><u>Art. 3</u></p> <p>¹Als scolars sun in dovair da's cuntgnair tolerant ed esser tolerants tanter dad els ed invers las personas d'instrucziun, las instanzas da scoula e'l personal da scoula.</p> <p>²Als temps e'ls uraris ston gnir resguardats dals scolars.</p> <p>³Als scolars han d'obedir als uordens da las personas d'instrucziun, las instanzas da scoula e'l personal da scoula.</p> <p>⁴Els han d'interlaschar tuot quai chi disturba la gestiun da scoula.</p>
Temp d'instrucziun	<p><u>Art. 4</u></p> <p>¹Dürant il temp d'instrucziun stan ils scolars suot la survagianza da las personas d'instrucziun.</p> <p>²Sainza permiss d'üna persuna d'instrucziun esa scumandà da bandunar l'areal da scoula o da restar in chasa da scoula sco eir l'utilisaziun da velos ed oter vehiculs.</p>



Chasa da scoula /
indrizz / material

Art. 5

¹Sainza permiss d'üna persuna d'instrucziun o dal persunal da scoula esa scumandà d'entrar in chasa da scoula dadour il temp d'instrucziun.

²Las directivas o disposiziuns relaschadas da las persunas d'instrucziun, las instanzas da scoula e'l persunal da scoula regard l'adöver e la chüra da la chasa da scoula, las localitats e l'areal da scoula sun da respettar. La chasa da scoula, ilsindrizz e'l material da scoula sun da trattar cun chüra.

Fümar / alcohol /
drogas / mezs electronics

Art. 6

Il fümar, il consüm d'alcohol e da drogas es scumandà d'ürant il temp da scoula, pro arrandschamaints da scoula e sül areal da scoula. L'adöver da mezs electronics es scumandà d'ürant il temp da scoula, pro arrandschamaints da scoula e sül areal da scoula sainza permiss explizit da la persuna d'instrucziun.

Sain da not

Art. 7

¹L'ura da sain da not vain fixada dal cussagl da scoula e comunicada a la populaziun. Ella vaglia sco temp d'orientaziun pels rapreschantants legals. Quels decidan l'urari per lur uffants ed han eir il dovoir da survaglianza.

²Davo l'ura da sain da not pon gnir ütilsats ilsindrizz sül areal da scoula be cun permiss dal cussagl da scoula o in cas excepziunals sco arrandschamaints da scoula o da societats.

III. Chastis disciplinars, competenzas, procedura

Chastis disciplinars

Art. 8

¹Cuntravenziuns al uorden da disciplina vegnan chastiadas cun admoniziun, lezchas da chasti, arrest o cun lavur speciala suot survaglianza.

²D'ürant l'arrest sto il scolar gnir occupà radschunaivelmaing. L'occupaziun d'ürant l'arrest e la lavur speciala suot survaglianza dessan avoir bun sen e star in relaziun culla cuntravenziun disciplinara.

³La d'ürada maximala per l'arrest e la lavur speciala importa quatter mezs dis.

Dons causats voluntariamaing (mutwillige Beschädigungen) vegnan miss in quint als genituors o rapreschantants legals.

Cumpetenzas

Art. 9

¹La persuna d'instrucziun po decretar ün'admoniziun in scrit o a bocca, lezchas da chasti ed arrest fin ün mez di.

²Il cussagl da scoula po decretar tuot ils chastis disciplinaris.

Constataziun circumstanza,
udientscha iuridica

Art. 10

¹La spezcha e las circumstanzas da la cuntravenziun disciplinara sun da sclerir. Il scolar sto gnir tadlà.

²Pro cas chi'd es da preverer arrest sur ün mez di o lavur speciala suot survaglianza e dons chi vegnan miss in quint, sun da tadlar avant la decisiun eir ils rapreschantants legals. Sün lur giavüsch tils esa da comunicar e motivar la decisiun in scrit.



Recuors??

Art. 11

¹Cunter decisiuns da la persuna d'instrucziun po gnir recurrü in scrit pro'l mainascoula. Cunter decisiuns dal mainascoula po gnir recurrü in scrit pro'l cussagl da scoula. Quel decida definitivmaing.

²Cunter decisiuns cha'l cussagl da scoula tira in prüma instanza, po gnir recurrü pro'l departamaint d'educaziun, cultura e protecziun da l'ambiant dal Grischun.

Entrada in vigur

Art. 12

Quist uorden da disciplina aintra in vigur davo l'approvaziun dal cussagl da scoula. El rimplazza il uorden da disciplina dals 30.9.2002.

Valsot, 09 december 2014

Scoula Valsot

Mario Molinaro
President dal cussagl da scoula

Gisep Rainolter
Represchantant dal cussagl da scoula